

## 2 TIMOTI

### Pepa Paulo ingere muli pa Timoti

*Paulo imo luma sakamao ilo lâ Rom lawea nana ne wurâta nana itula pâri ara kâ, aku isama tu i ne zo nana imâte kâ nde imâ ipângga laiti lâ (4:6-8). Mine kala ingere pepa tonje kilo pa ninambwe Timoti nana ipu tini kaika papa. Ipai Timoti tu kinda ma takai malia wa nâna kie-kie nana nenda kalo-tawana kâ, aku kiesaka ma ipângga njalae lâ tâno kulu; andeta ara nana kinda ma tamandi kaika ku kalonda tawana Maro Njalae. Yesu Kirisi ipole mateja marumbu lâ, aku kinda ma tamo ara kuku i lâ samba lawea. Paulo itula vetâja ara pinde pa Timoti nana ipaveta kuku.*

<sup>1</sup> Nana Paulo, nana amo Yesu Kirisi ne pâri-tamâta ikura Maro Kindeni tamwata ne pateja mine. Ipatea nana tu atula ngua nana via njinde i munja ipambwâre tu ma ilanzi tamâta ea kalonzi tawana Yesu Kirisi. <sup>2</sup> Timoti, noko kutogo nana natungu mao mine. Nana angere ngua lâ pepa njine tini imâ pano. Tamânda Maro Kindeni nga nenda Maro Yesu Kirisi rua nenzi wisi-wisi wa kalo-sukâja wa wisi-pisi wa imâ pano.

*Kinda ma mainda nana pâri ara kâ ndimo*

<sup>3</sup> Kinda timbunda munja siveta Maro Kindeni ne wurâtani sondo, kala sipasama tu nenzi soki tonje tia lâ i nao. Aku nana kala uru aveta Maro Kindeni ne wurâta lâ vetâja kie taituni. Lâ

naņa ilonġu kalonġu, naņa apasama tu nanenġu soki tonġe keno lâ i nao, ande tia. Aku ikura zo rârâni, lâ kari wa mbo wa, lâ zo nana akai noņa kâ, ande naņa uru kalonġu ngere nana noko kâ, aku kawânġu ndanġe pa Maro Kindeni. <sup>4</sup> Naņa kalonġu ngere nana noko mata sulu nġinde muņa indue, aku ilonġu nġalae tu amorano kilo. Ambo naņa ma amorano kilo, ande naņa ma andeka ndo. <sup>5</sup> Naņa asama tu noko kalo tawana Yesu Kirisi mao nâ, lâ vetâņa kie taituni itogo muņa noko timbu taine Lois anġa noko tina Yunis kala kalonzi tawana Yesu mine. Mao nâ, noko ne kalo-tawana kala ikeno mine nâ. <sup>6</sup> Naņa kalonġu ngere nana noko ne kalo-tawana nġinde kâ, ande kala atu apaņo noko ne ilo-kalo, nana noko ma kuveta walo nġinde Maro Kindeni muņa ilano tu ma ipânġa nġalae ndo, itogo tamâta imbana yââ ku iveta melamela nġalae mine. Maro Kindeni walo nġinde ilano lâ zo nġinde naņa ao mbaunġu kâki lâ noko kulu ku atu nzâmbe pano. <sup>7</sup> Nana tu Maro Kindeni ne Koroani Sapâņa ilua kindâ lâ, aku nġinde nandai koroani nana iveta kindâ taruru nġa. Koroani nġinde nde nana ipu tini kaika pa ilonda kalonda. I nana iveta tininda mwasa panzi tininda pinde kâ, aku i nana igagati ilonda kalonda tu ma tapakatona warakânda nenda vetâņa sondo.

<sup>8</sup> Mine kala noko ma mai nana kutula nenda Maro Nġalae ne nġua pwataki ndimo. Naņa amo luma sakamao ilo nana nanenġu kalo-tawana kâ, andeta noko ma mai nana naņa kâ ndimo. Ara nana noko ma pwai Maro Kindeni ne walo

kaika, aku pwale malia nana kutula i ne pâri ara kâ, itogo nana uru akale malia mine. <sup>9</sup> Nanayoni, Maro Kindeni iyaute kinda piti lâ kondoma ilo ku ipatea kinda tu tamo i tamwata ne wurâta tamâta. Andeta i nandai kalo ngere nana nenda vetâna ara pinde ninenga ipatea kinda nga. Nia ndoyo, lâ zo ninde ipulia kelekele rârâni ipângga tia yo, ande i ilo pa kinda ikura i tamwata ne pateâna. Aku io ne wisi-wisi lâ Yesu Kirisi mbau ilo imâ pa kinda, ku iveta kinda tamo i ne tamâta mao nâ. <sup>10</sup> Munnga, nenda Yautâna Tamwata Yesu Kirisi imâ ipângga lâ tâno kulu. Aku lâ zo ninde, Maro Kindeni ne wisi-wisi imâ pa kinda ku ipângga nia yo. Pâri ara ikeno mine: Yesu Kirisi ipu mateña ne walo ndoni indue lâ, aku itula nzâla pa kinda tamâta rârâni nana ma takai via mao nana tamo ara mine ku tamo nâ. <sup>11</sup> Maro Kindeni ilo tu nana ma aveta wurâta papa i. Mine kala ipatea nana tu atula pâri ara ninde, aku ipateana nana apanananzi tamâta nana vetâna rârâni ninde i ilo papa tona. <sup>12</sup> Aku nana nanengu wurâta ninde kâ, ande nana uru akai malia wa nâna nîne. Andeta nana nandai maingu nga. Nana asama Yesu Kirisi kilala, kala ao nanengu kalo-tawana ilâ papa i. Aku nana asama tu i ikura nana ikatona kelekele ninde munnga io lâ mbaungu ilo. Aku ninde ma ikeno sondo lee, ikura lâ zo nalae nana Yesu Kirisi ma itaulo imâ kilo kâ.

<sup>13</sup> Noko ma kalo ngere sondo nana ngua wa vetâna mao ninde munnga atula pano, aku kuveta vetâna kie taituni nana kutula ngua wa kupanananzi tamâta, itogo nana aveta mine.

Aku noko ma kupaveta kuku kalo-tawana ne mâsi wa tini-mwasa ne mâsi wa, itogo Yesu Kirisi ne tamâta uru siveta mine. <sup>14</sup> Maro Kindeni io ne pâri ara lâ noko mbalau ilo tu pwatona kê. Njinde nde kelekele ara ndo, kala noko ma pwatona sondo nâ. Koroani Sapâña uru imo kindi kalo-tawana tamâta ilonda. Mine nde ara nana noko ma kusâu pa Koroani Sapâña ne walo njinde tu ma ivilano nana pwatona pâri ara njinde kê.

<sup>15</sup> Noko kusama tu kalo-tawana tamâta rârâni lâ Esia tâno nde tininzi piti nana nana kê. Aku Figelus ku Hermogenes rua kala tininzi piti nanana mine nâ.

<sup>16</sup> Nana ilongu tu Maro Njalae ma kalo sukâña nana Onesiforus tavanzi tamâta njinde simo i ne luma. Munja, Onesiforus iveta vetâña ara nana ilulu ilongu ikura zo zo. Aku imora tu nana amo luma sakamao ilo, aku imora tu kinzi sipa wâlo kaika lâ tiningu tona. Andeta i mai nana nana kê, ande tia. <sup>17</sup> I imâ ipânga Rom lawea lâ, njinnga walele nâ ikai wurâta njalae ndo nana iroto nana nana kê. Iroto lee, njinnga isânda kulungu kilo. <sup>18</sup> Nana ilongu tu Maro Njalae ne kalo-sukâña ma ilâ pa Onesiforus, lâ zo muli njinde Maro Kindeni ma ipare nia panzi tamâta nana nenzi vetâña kê. Noko kusama tu Onesiforus munja iveta vetâña rârâ kie-kie nana ivila nana lâ Efesus lawea tona.

## 2

*Paulo itu ngua pa Timoti tu i ma imo itogo Yesu Kirisi ne zugu tamâta ara mine*

<sup>1</sup> Naņa natuŋgu, Maro Kindeni ne wisi-wisi imo kunzi tamâta ea kalonzi tawana Yesu Kiriſi. Mine kala ara ŋana noko ma kusâu pa wisi-wisi ŋinde tu isukano ŋana kumandi kaika ikura zo rârâni. <sup>2</sup> Aku ŋgua rârâni kala noko muŋga kuloŋo naņa atula lâ tamâta rârâ naonzi ŋinde, ande noko ma kutula ŋguani ndaina panzi tamâta arara pinde, kinzi ŋinde uru sipaveta kuku Maro Kindeni ne ŋgua. Ŋineŋga kinzi kala ma sikura ŋana sipanananzi tamâta pinde tona.

<sup>3</sup> Noko ma kumo kutogo Yesu Kiriſi ne zugu tamâta ara mine, aku pwai malia tava nâna itogo maka uru kakai mine. <sup>4</sup> Noko kusama lâ ŋana zugu tamâta nenzi vetâŋa kâ. Lâ zo ŋana siveta nenzi wurâta, ande kinzi uru siveta wurâta kie tonje tava, ande tia. Kinzi uru siveta zugu nâ nenzi wurâta sondo, ŋana nenzi koipu ŋana zugu kâ ma ilonzi ara ŋananzi. <sup>5</sup> Anġa tamâta ŋana ipagui paguiŋa kâ, ande i uru ipagui ikura paguiŋa ne tukuŋa nâ. Ambo i ma iveta mine tia, ande i ma ikura tu ikai kulu ŋana ipole paguiŋa kâ, ande tia. <sup>6</sup> Anġa tamâta ea ikai wurâta ŋalae ŋana ipau kâpwa lâ tâno ilo, ande tamâta ŋinde ma ikai kâpwa kanaŋo muŋga lâ ŋga. Aku muli, ŋineŋga tamâta pinde ma sikai kanzi tona. <sup>7</sup> Noko ma kalo ŋgere sondo ŋana nanenġu ŋgua ŋine kâ. Ambo noko ma kuveta mine, ande Maro Ŋalae ma iveta noko ne ilo-kalo ipânġa, ŋana ma kusama ŋgua ŋine rârâni ne duvi pwataki.

<sup>8</sup> Ikura zo rârâni, noko ma kalo ŋgere ŋana timbunda Daviti ne vâsa Yesu Kiriſi kâ, ina muŋga imâte, ŋineŋga imandi sânda imo via kilo. Naņa uru atula pâri ara mine nâ panzi

tamâta. <sup>9</sup> Tamâta pinde situ naŋa nde tamâta sakamao, ŋana tu naŋa uru atula pâri ara ŋinde panzi tamâta. Mine kala kinzi uru sio malia wa nâna kie-kie imâ pana. Andeta ŋinde nâ tia; kinzi sio naŋa lâ luma sakamao ilo, aku sipa kenju lâ wâlo kaika tona, itogo siveta panzi nzanzare tamwatanzi mine. Andeta sâ tonje ikura tu ipono nzâla ŋana Maro Kindeni kawa ŋgua tulâŋa kê, ande tia ndo. <sup>10</sup> Mine nde naŋa uru apu tini kaika pa warakâŋgu ilonju kalonju, aku akale malia ŋine rârâni. Aveta mine ŋana avilanzi tamâta ŋinde Maro Kindeni munga ipateanzi tu simo i tamwata ne ŋgu. Naŋa ilonju tu Yesu Kirisi ma iyautenzi piti lâ kondoma ilo tona, kala ma simo ara ndo kuku Yesu ikura zo rârâni ku simo nâ.

<sup>11</sup> Ŋgua ŋine nde mao nâ, aku ikura ŋana kindi kalonda tawana: ambo kindi tamâte kuku Yesu, ande muli ma takai via mao ku tamo kuku i; <sup>12</sup> ambo kindi takai nâna wa malia wa, aku tamandi kaika nâ, ande muli ma tamo koipu ŋalajala kuku i. Ambo kindi tapu mulinda papa i, ande lâ zo muli i kala ma ipu muli pa kindi. <sup>13</sup> Ambo kindi tapa ŋgua tu ma taponi muli papa i, andeta tapile nenda kalo-tawana ŋinde, ande i ma iveta ikura i tamwata ne ŋgua pâŋa nâ, ŋana tu ikura tu itoto i tamwata kawa ŋgua ŋinde utu, ande tia ndo.

*Paulo itu ŋgua pa Timoti tu ma imo Maro Kindeni ne wurâta tamâta mao*

<sup>14</sup> Ikura zo rârâni, ara ŋana noko ma kupananzi tamâta ŋana ŋgua ŋine kê. Tia ma kalonzi kapa ŋana. Aku kuporo ŋgua kaika

panzi lâ Maro Kindeni nao tu ma sipawa nana ngua kaa kaa ndimo. Nguwa kie mine ikura tu isuka tamâta tonje tia ndo. Ambo tamâta tonje uru itambira taja pa ngua kaa mine, ande njinde ma iyaula i ne kalo-tawana. <sup>15</sup> Noko ma pwai wurâta kaika tu kumo Maro Kindeni ne wurâta tamâta mao nana kutula i kawa ngua sondo ndo. Ambo noko ma kuveta mine, ande Maro Kindeni ma ilo ara nana noko ne wurâta kê, aku noko ma mai lâ i nao, ande tia. <sup>16</sup> Noko ma kupu muli pa ngua potomule kie-kie, aku kupono muli pa Maro Kindeni ne ilo-kalo nâ. Nguwa kie potomule mine uru ionzi tamâta simo malawae ndo nana Maro Kindeni kê. <sup>17</sup> Tamâta nenzi ngua kie mine nde itogo mbwatakê sakamao uru ipângga njalae ndo ku iyaulanzi tamâta. Tamâta rua, Himeneus ku Filetus rua, ande uru siporo ngua kie mine. <sup>18</sup> Kinzi rua nde sipile nzâla nana siporo ngua mao kê. Kinzi rua uru siporo mine: “Mandija lâ mateja nianzi ne zo ande nanayoni ipângga marumbu lâ, kala zo muli tamâta tonje ma imandi imo via kilo mine, ande ma tia.” Aku nenzi ngua njine uru iyaula tamâta pinde nenzi kalo-tawana.

<sup>19</sup> Andeta Maro Kindeni munja ingunu ngunu-ngunu tonje panzi tamâta rârâni njinde kalonzi tawana i. Aku ngunu-ngunu njinde nde imandi kaika ndo ku imo nâ. Maro Kindeni munja ingere ngua lâ ngunu-ngunu njinde tini mine tu, “Maro Njalae isama ne tamâta kilalanzi”. Aku ingere ngua tukuja tona mine tu, “Ambo noko tamâta tonje uru kupanea Maro Njalae, ande noko ma kupile kiesaka ne mâsi.”

<sup>20</sup> Kondo tini kaŋa-kaŋa uru ikeno lâ mbaliŋa warika ne luma ilo. Pinde muŋga siveta lâ mira kulu ŋalae “gol” wa “silva” wa, aŋga pinde siveta lâ kâi wa tâno wa. Pinde nde ŋana wurâta ara kâ, aŋga pinde nde ŋana wurâta kaa nâ. <sup>21</sup> Aku mine nâ, ambo tamâta tonje ma ipile vetâŋa wa ŋgua potomule ŋinde, ande i ma ipâŋga ilo mbâra-mbâra ndo lâ Maro Kindeni nao. Ninenŋa i ma imo itogo kondo ŋinde siveta ŋana wurâta ara ndo, aku ma imo Maro Kindeni ne wurâta tamâta mao. Aku i ma ikura tu iveta wurâta ara ndia Maro Ŋalae ipatea papa.

<sup>22</sup> Mine kala ikura zo rârâni noko ma kupu muli pa ilo-kalo potomule rârâni uru ipâŋga lâ tamâta limoa ilonzi kalonzi. Aku kumandi kaika ŋana kuveta vetâŋa sondo nâ lâ Maro Kindeni nao. Noko ma kuo ne kalo-tawana ilâ mao papa i, aku tini mwasa ndo panzi tini pinde wa kumo kunzi tava wisi pisi wa. Aku noko ma kuveta vetâŋa arara ŋinde rârâni, ikura Yesu Kiriŋi ne kalo-tawana tamâta mao uru siveta mine. <sup>23</sup> Ara ŋana noko ma kupu muli panzi tamâta uru siporo ŋgua potomule wa ŋgua kapa-kapa ŋinde. Noko kusama tu ŋgua kaŋa mine uru ivetanzi tamâta ilonzi sakamao kala sipawa ŋgua wa sipambita wa. <sup>24</sup> Aŋga Maro Ŋalae ne wurâta tamâta mao nde uru ipawa ŋgua kunzi tini pinde, ande tia ndo. I uru iveta vetâŋa kie ara nâ panzi, aku ikura tu ipanananzi ŋana Maro Kindeni ne ilo-kalo ara kâ tona. Ambo tamâta pinde taŋanzi kaika papa i, ande ipatawa tamwata ne wisi-nâna ndue. <sup>25</sup> Ambo tamâta pinde taŋanzi kaika ku silelea i ne ŋgua,



ande i uru ikai wurâta mwasa-mwasa nâ ñana ipanananzi sondo kâ. Iveta mine ñana duvi ñine; i ilo ñalae tu Maro Kindeni ma ivilanzi ñana sipalele ilonzi kalonzi ku sisama sondo ñana ñgua mao kâ. <sup>26</sup> Sadana muñga ikainzi tamâta mine kaika lâ i ne nimbu ilo, aku ivetanzi tu soka i tamwata nâ ne ñgua muli. Andeta naña asama mine; ambo kinzi ma sipanâna sondo ñana ñgua mao kâ, ande nenzi kalo-ñgere ma ipâñga ku ma sipile Sadana ne nimbu, kala ma simo ara.

### 3

*Lâ zo laiti ñana tâno ne zo marumbu kâ, ande kinzi tamâta ma siveta vetâña sakamao kie-kie*

<sup>1</sup> Andeta noko ma kalo ñgere ñana ñine kâ: lâ zo laiti ñana tâno ne zo marumbu kâ, ande vetâña sakamao ndo ma ipâñga. <sup>2</sup> Kinzi tamâta ma tininzi mwasa pa warakanzi nâ, aku ma ilonzi ndo tu sikai mbaliña nâ. Kinzi ma sipasuka warakanzi ñanzi kâki, ku ma siporo lâ warakanzi ilonzi tu, “Naña nâ”. Kinzi ma sipawa ñgua wa siporo ñgua potomule panzi tamâta pinde wa. Kinzi ma sivaligi tinanzi tamanzi nenzi ñgua, ku ma sipile mâsi ñana kawanzi ndaenge panzi tamâta ñinde muñga siveta kenzi ara panzi. Kinzi ma sipu mulinzi pa Maro Kindeni ne ilo-kalo ara. <sup>3</sup> Kinzi ma kalonzi sukâña ñananzi tamâta kâ, ande tia. Aku lâ zo ñana wisinzi nâna kâ, ande kinzi ma ilonzi tu silulu wisi-nâna ñinde, ande tia. Kinzi ma situ tamâta ñguananzi, ku ma sipakatona

warakanzi ilonzi kalonzi tia. Kinzi ma sipara wa siyaulanzi tamâta pinde potomule wa. Kinzi ma sikai kazâña pa vetâña ara rârâni. <sup>4</sup> Kinzi ma sipa ngua kunzi tamâta, ninennga ma sipu ngua pâña ninde ututu. Kinzi ilonzi kalonzi ma ipânnga ara tia ndo. Mine kala kinzi ma siveta vetâña soki kie-kie walele nâ. Kinzi ma ilonzi nana warakanzi tu, “Nana nde tamâta nala.” Kinzi ma ilonzi ndo nana vetâña kie-kie kaa nâ nana tâno nîne ne ndekâña kâ, aku ma ilonzi papa Maro Kindeni, ande tia. <sup>5</sup> Kinzi ma siporo lâ kawanzi nâ tu kalonzi tawana Yesu Kirusi, annga nenzi vetâña ma itula kilalanzi pwataki tu kinzi sipu mulinzi pa i ne walo. Noko ma kumo malawae ndo nanzani tamâta mine.

<sup>6</sup> Kinzi tamâta mine uru siroto nzâla nana silâ taine pinde nenzi luma ilo, kinzi taine ninde ilonzi kalonzi ipânnga tia. Kinzi ilonzi tu taine ninde ma sipono muli pa nenzi ngua. Kinzi taine mine nde uru siveta kiesaka, aku ninde iveta malia panzi. Aku ilonzi uru igagatinzi nana siveta vetâña potomule kie-kie tona. <sup>7</sup> Kinzi taine mine uru ilonzi nala tu sipanâna nana ngua kâ, andeta sikura tu soka ngua mao muli, ande tia. <sup>8</sup> Nia ndoyo, Janes ku Jambres rua sikai kazâña pa timbunda Mose. Aku mine nâ, lâ zo nîne, kinzi tamâta ninde sikai kazâña pa ngua mao, kala uru siveta vetâña potomule ninde. Kinzi ilonzi kalonzi nde kapa ndo, aku nenzi kalotawana nde lanenja ndo. <sup>9</sup> Andeta nenzi vetâña ninde ikura tu ipânnga nala tia, nana tu tamâta rârâni ma simora nenzi vetâña tu kapa, itogo nia ndoyo kinzi tamâta simora Janes ku Jambres rua

nenzi vetâŋa tu kapa mine.

*Paulo itu ŋgua pa Timoti tu ma ipaveta kuku Maro Kindeni ne ŋgua*

<sup>10</sup> Andeta noko muŋga kumo ku naŋa, kala kusama nanenŋu mâsi ŋana apanananzi tamâta ŋana vetâŋa rârâni Maro Kindeni ilo papa ŋinde. Noko kusama vetâŋa rârâni naŋa uru apaveta kuku, aku kusama nanenŋu ilo-kalo rârâni marumbu lâ. Noko kusama mine: naŋa kalonŋu tawana Maro Kindeni mao nâ; naŋa uru wiŋŋu nâna walele tia; naŋa tiniŋgu mwasa nâ panzi tamâta; aku naŋa uru amandi kaika ŋana akale malia kê. <sup>11</sup> Noko kusama vetâŋa sakamao rârâni ŋinde tamâta pinde muŋga siveta pana. Aku kusama nâna rârâni muŋga akai lâ Antiok lawea wa Aikoniam lawea wa Listra lawea wa. Noko kusama vetâŋa sakamao ndo siveta pa naŋa lâ lawea ŋinde. Andeta Maro Ŋalae ikai naŋa piti lâ kazâŋa ŋinde rârâni ilo, kala amo ara nâ. <sup>12</sup> Mao nâ, tamâta ea ilonzi tu sipaipa kuku Yesu Kirisi ku siveta vetâŋa ara lâ Maro Kindeni nao, ande tamâta ŋinde ma sikai malia wa nâna ŋana nenzi kalo-tawana kê. <sup>13</sup> Anŋa kinzi tamâta sakamao sitavanzi laŋeŋa tamwatanzi ma sikai laŋeŋa panzi tamâta, aku ma sikai laŋeŋa pa warakanzi tona. Mine kala nenzi vetâŋa sakamao ma ipânŋa ŋalae. <sup>14</sup> Anŋa noko muŋga kupanâna sondo ŋana ŋgua mao kê, aku noko kalo tawana ŋgua ŋine kaika lâ. Noko kusama ne pananâŋa tamâta kilalanzi pwataki tu kinzi nde tamâta ara ndo. Mine nde noko ma kumandi kaika ŋana ŋgua mao

ņinde kâ ku kumo nâ. <sup>15</sup> Aku noko kusama tu lâ zo ņinde noko kumo lâlu kiri-mwata yo, ande noko uru kuponon muli pa Maro Kindeni ne ņgua ikeno lâ pepa tini. ņgua ņinde ikura tu iveta noko ilo kalo sondo ndo, aku ikura tu igagati noko ne kalo-tawana ilâ pa Yesu Kirisi kâ. Aku ņana noko ne kalo-tawana ņinde kâ, ande Maro Kindeni iyauteno piti lâ kondoma ilo. <sup>16</sup> Maro Kindeni kawa ņgua rârâni ikeno lâ pepa tini, ande ņinde i tamwata ne Koroani Sapâņa munğa itula pwataki. Aku ņgua ņinde rârâni nde ara ndo ņana ipanana kinda ņana ņgua mao kâ wa, itula nenda kiesaka pwataki wa, iveta ilonda kalonda sondo kilo wa, ipanana kinda ņana taveta vetâņa sondo lâ Maro Kindeni nao wa. <sup>17</sup> Mine kala Maro Kindeni kawa ņgua ņinde uru iveta i ne wurâta tamâta kinda tu tamo sondo ndo, aku takura ņana taveta vetâņa arara rârâni.

## 4

*Paulo itu ņgua pa Timoti tu ma imandi kaika ņana itula Maro Kindeni ne ņgua kâ*

<sup>1</sup> Lâ zo muli, Yesu Kirisi ma ipare nia panzi tamâta rârâni ņana nenzi vetâņa kâ. I ma ipare nia mine panzi tamâta simo vianzi, aku ma ipare nia panzi tamâta munğa simâte tona. Lâ zo ņana Yesu Kirisi ma ipatua panzi tamâta rârâni, ande i ma ikai Koipu ņalae ku imo nâ. Kala ņine lâ Maro Kindeni nao, aņga lâ Yesu Kirisi nao, naņa atu ņgua kulu ņine pano: <sup>2</sup> Noko ma kumandi kaika ņana kutula i kawa ņgua kâ. Ambo

tamâta ma sindeka nana siloŋo noko ne n̄gua tâku sindeka tia tâku, ande kalo loko. Ikura zo rârâni, noko ma kuveta wurâta mine: kuporo n̄gua nana kuveta tamâta ilonzi kalonzi sondo wa, kutula nenzi kiesaka pwataki wa, kupu tini kaika panzi wa. Noko ma nao mwasa nâ panzi, aku kupanananzi sondo ndo nana vetâŋa rârâni n̄inde Maro Kindeni ilo papa. <sup>3</sup> Nana tu muli n̄nga, tamâta ma tininzi pwâka nana siloŋo n̄gua sondo kâ. Kinzi ma sindeka nana siloŋo n̄gua laŋeŋa kie-kie, ku ma siroto n̄nanzi pananâŋa tamâta rârâ tu ma sipanananzi nana n̄gua ndia ilonzi tu siloŋo n̄inde. <sup>4</sup> Mine kala kinzi ma sipu mulinzi pa n̄gua mao, aku ma sipaloŋo pa n̄gua usi kie-kie kaa nâ. <sup>5</sup> An̄ga noko ma kuveta mine ndimo. Noko ma kupakatona tamwata ilo kalo sondo ikura zo rârâni. Noko ma pwai malia wa nâna wa, aku pwai wurâta nana kutula pâri ara panzi tamâta kâ. Noko nde Maro Kindeni ne wurâta tamâta; mine nde ara nana noko ma kumo kuveta wurâta n̄inde rârâni.

### *Paulo ne zo laiti nana imâte kâ*

<sup>6</sup> Timoti, noko kulon̄o n̄ga: n̄ine zo laiti nana naŋa ma amâte kâ, aku seen̄gu ma irere ndue, itogo waini uru sipatarâwa pa Maro Kindeni mine. Nanen̄gu zo nana apile tâno n̄ine kâ nde imâ ipân̄ga laiti lâ. <sup>7</sup> Naŋa muŋga apalilu apopole kaika nana akai via mao kâ, kala n̄ine apân̄ga lâ keri. Aku naŋa amo apono muli pa Maro Kindeni ne ilo-kalo rârâni. <sup>8</sup> Mine kala Maro Kindeni iluku lâ nana kulu ilua naŋa kâ, itogo tamâta nana sipopole kâ nenzi koa mine.

Kulu ñinde nde mine: Maro Ñalae ma imorana tu naña amo ilonngu mbâra-mbâra. Maro Ñalae uru ilea sondo pa tamâta nenzi vetâña, aku lâ zo ñalae ñana i ma ipare nia panzi tamâta kâ, ande nanenngu kulu ñinde ma ilua naña. Andeta kulu ñinde ma ilua naña simbonngu nâ, ande tia. I ma kulu ñinde ilanzi tamâta rârâni uru ilonzi ndo keno pa i ku sio tininzi sindamwa i ñana itaulo imâ kilo kâ.

*Paulo ilo tu Timoti ma imâ walele nâ*

<sup>9</sup> Noko ma pwisi kaika ñana kumâ walele nâ pana, <sup>10</sup> ñana tu Demas nde ipilena ku ilâ lâ. I ilo ñalae koña ñana tâno ñine ne kelekele, kala ilâ pa Tesalonaika lawea. Anğa Kresens nde ilâ pa Galesia tâno lâ, anğa Titi nde ilâ pa Dalmesia tâno lâ. <sup>11</sup> Luka simbo mai nâ nde imo kuku naña yo. Mine nde ara ñana noko ma pwai Malaka iyoka kuno, aku miki rua kamâ kuku naña. Malaka nde tamâta ara ñana ivila naña ñana wurâta kâ. <sup>12</sup> Naña ao Tikikus ilâ pa Efesus lawea lâ. <sup>13</sup> Lâ zo ñana noko ma kumâ, ande ara ñana noko ma pwai nanenngu pasawaña luandondo ñinde muñga apile keno Kapas ne luma lâ Troas lawea. Aku pwai nanenngu pepa tona. Noko ma kalo ngere sondo, aku kalo kapa ñana pepa ñinde ndimo. Naña ilonngu ñalae pa pepa ñinde muñga siveta lâ “lama” karae.

<sup>14</sup> Arisande, ina tamâta ñana iveta kelekele lâ “aini” kâ, ande muñga iveta kie soki ndo pa naña. Muli nga, Maro Ñalae ma nâna ilua i, ku ma ipare nia papa ñana vetâña sakamao ñinde muñga iveta pa naña. <sup>15</sup> Ara ñana noko kala ma

kupakatona sondo nana tamâta ninde. I munğa ikai kazâna nalaie pa nanenğu nğua.

<sup>16</sup> Munğa, lâ zo ninde naņa amandi wasaseki lâ nğua nia, ande tamâta tonđe imo kuna nana isuka nanenğu nğua kâ, ande tia. Tamâta rârâni nde sipile naņa marumbu lâ. Taitu naņa ilonđu tu Maro Kindeni ma izavaru nenzi soki ninde piti lâ tininzi. <sup>17</sup> Andeta lâ zo ninde, Maro Nalae tamwata imo ku naņa ku isukana lâ. I walo ilua naņa, ande kala akura ndo nana atula pâri ara kâ. Mine kala tamâta rârâni lâ tinikoa nđu nde silonjo lâ. Aku Maro Kindeni iyaute naņa piti lâ kazâna tamâta mbaunzi ilo. <sup>18</sup> Aku mine nâ, Maro Nalae ma iyautena piti lâ vetâna sakamao rârâni kinzi ilonzi tu siveta pa naņa, ku ma io naņa alâ amo samba lawea, lawea ninde i uru ikai maro papa. Nenda paneâna ilâ pa i ikura zo zo. Mao.

<sup>19</sup> Ara nana noko ma kuporo nanenğu kari ara ilâ panzi Prisila ku Akwila rua, aku ilâ panzi tamâta ninde simo Onesiforus ne luma tona mine nâ. <sup>20</sup> Erastus nde imo Korin lawea yo. Anğa Trofimus nde ikai pukonja, kala apile imo Miletus lawea. <sup>21</sup> Noko ma pwisi kaika ku kumâ walele nâ. Ambo noko ma kumo sonjo, ande pisi ne zo ma imâ ipânğa. Yubulus, anğa Pudens, anğa Linus, anğa Klodia, sitavanzi kalo-tawana tamâta rârâni, ande nenzi kari ara imâ pano.

<sup>22</sup> Maro Nalae imo kuno, aku i ne wisi-wisi ma imo kuku miki rârâni mine nâ.

**MARO KINDENI KAWA NGUA**  
**The New Testament and Psalms in the Sio Language**  
**of Papua New Guinea**  
**Nupela Testamen long tokples Sio long Niugini**

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

---

PDF generated using Haiola and XeLaTeX on 4 Mar 2023 from source files dated 22 Nov 2019

b3b81168-89df-5bc3-8b0c-cf72ef93d3de